



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola IX. Gregorii Papae I. Ad Gallinicvm Exarchvm Italiae. De
schismaticis, & de peruerso consilio Iustini.

urn:nbn:de:hbz:466:1-15221

EPISTOLA IX.

GREGORII PAPÆ I.

AD GALLINICVM EXARCHVM ITALIÆ.

De schismaticis, & de peruerso consilio Iustini.

Gregorius Gallinico exarcho Italæ.*

* al. Beffilo
 INTER hæc quod mihi de Sclavis victorias nuntiasti, magna me lætitia reuelatum esse cognoscite, quod latores præsentium de Capritana insula, vnitati sanctæ ecclesiæ coniungi festinantes, ad beatum Petrum apostolorum principem ab excellentia vestra transmissi sunt. In hoc enim contra hostes vestros amplius præualetis, si eos quos Dei esse hostes agnoscitis sub iugo veri Domini reuocatis; tantoque vestras causas apud homines fortiter agitis, quanto Dei causas in hominibus sincera ac deuota mente feceritis. Quod autem exemplar iussionis quæ ad vos pro schismaticorum defensione transmissa est mihi ostendi voluistis, pensare solicite dulcissima mihi vestra excellētia debuit; quia quamuis iussio ipsa subrepta est, non tam in ea vobis præceptum est, vt venientes ad vnitatem ecclesiæ repellatis, sed vt venire nolentes hoc incerto tempore minime compellatis. Vnde necesse est vt hæc ipsa piissimis imperatoribus nostris suggerere festine debeat; quatenus cognoscant quod eorum temporibus schismati-
 cūm omnipotentis Dei solatio & labore nostro sua sponte reuerti festinant. Quæ autem de insulæ Capritanæ ordinatione decreuerim, per reuerendissimum fratrem & coepiscopum nostrum Marinianum vestra excellētia agnoscat. Illud vero cognoscite, quia me non modice contrastauit, quod maior domus vestræ, qui petitionem episcopi volentis reuerti suscepit, eam se perdidisse professus est, & postmodum ab aduersariis ecclesiæ tenebatur. Quod ego non negligentia, sed venalitate eius factum arbitror. Vnde miror quia in eo culpam hanc minime vestra excellētia vindicauit. Sed tamen quia hoc miratus sum, memetipsum citius reprehendi. Nam vbi dominus Iustinus consilium præbet, qui pacem cum catholica ecclesia non habet, ibi non possunt hæretici adduci. Præterea sancti Petri apostolorum principis natalitium diem in Roma-

K k k iiij

na ciuitate vos facere velle perhibetis. Et oramus omnipotentem Dominum ut sua vos misericordia protegat, & vota vestra implere concedat. Sed prædictus vir eloquentissimus peto ut simul veniat : qui si non venerit, a vestris obsequiis recedat. Vel certe si vestra excellentia fortasse emergentibus causis venire nequiuierit, ipse aut sanctæ ecclesiæ vnitati communicet, aut peto ut vestrorum consiliorum particeps non sit: bonum enim virum audio, si pessimi non esset erroris. De causa vero Maximi, quia importunitatem dulcedinis vestræ iam ferre non possumus, quid decreuimus, Castorio notario suggestore, cognoscetis.

EPISTOLA X.

GREGORII PAPÆ I.

AD MARINIANVM EPISCOPVM RAVENNÆ.

De episcopis Istriæ, scilicet Nouano & Caprulensi.

Gregorius Mariniano episcopo Rauennæ.

LATORES ad nos præsentium viri clarissimi vicedominus atque defensor venerunt, afferentes quod in castello quod Nouas dicitur, episcopus quidam, Ioannes nomine, de Pannoniis veniens fuerit constitutus; cui castello eorum insula, quæ Capritana dicitur, erat quasi per diocesim coniuncta. Adiungunt autem quod eodem episcopo violenter ab Istrico episcopo expulso, alias illic fuerit ordinatus. De quo tamen hoc placuisse referunt, ut non in prædicto castro, sed in sua insula habitare debuisset. Qui cum illic cum eis degeret, in errore se schismatis detinere noluit, atque cum omni plebe sua excellentissimo filio nostro Callinico exarcho petitionem dedit, ut catholicæ ecclesiæ cum omnibus qui cum ipso erant, sicut prædictimus, vniri debuisset. Qui, vt aiunt, a schismaticis persuasus post semetipsum rediit, & nunc omnis ille populus qui in prædicta insula consistit, sacerdotis protectione priuatus est; quia dum sanctæ ecclesiæ vniri desiderat, illum iam recipere non potest qui ad schismaticorum errorum reuersus est, & petunt sibi ordinari alium debere. Sed nos, quia cuncta necesse est districte ac subtiliter perscrutari, hoc ordinandum esse præuidimus, ut fraternitas tua